



Veteranus nain ba ukun An Rin ba Nasaun labele sai bainaka ba ekonomia, ho nune Veteranus halibur malu nafatin nudar forsa alternativu ba iha era ukun an, tamba Veteranus sira hare katak ba dadaun ne'e ekonomia Timor ne'e domina ona husi grupu balun ka husi ema estrangeiru.

Tamba ne'e hodi kumpri nafatin luta ba libertasaun Patria mak hotu ona, maibe luta ba povu nia moris diak seidauk hotu.

Nune Veteranus sira halibur malu nafatin hodi kria fundu ida ne'ebe mai hosi nia bolsu rasik, ho nia moto ida katak lora ida rai dolar ida no fulan ida sai dolar tolu nulu, ikus mai hanaran Fundu Investimentu Veteranus, hahu no halo aseitasaun liu hosi konsulta ba kada veteranus ida – idak no liu hosi primeiru kongressu iha lora 19-21 Dezembru 2019, ho prezensa maioria kontra situasaun real ne'ebé lamentável katak hare ba situasaun real tenke Veteranus sira iha fundu rasik ho nune aprova keda deliberasaun n.º 01/CCLN/XII/2019, apoiu ba programa kriasaun fundu investimento veteranus através meus halo retensaun solidariamente ba pensaun Kombatentes no Mártires ba Libertasaun Nasional nune fô poder tomak ba Secretário Estado Para os Assuntos dos Combatentes da Libertação Nacional hanesan Ministro Interino atu implementa, ho ninia objetivu fundu bele partisipa iha investimento no bele assegura e protesaun diak liu ba luta-nain sira.

Konsidera ba deliberasaun refere, iha Janeiro 2020, através despaxu n.º 14/MACLN-SEACLN/I/2020 inisia keda ninia implemensaun no halo alterasaun ba Dekretu Lei n.º 15/2008, de 4 de junho, sobre Pensões dos Combatentes e Mártires da Libertação Nacional, iha artigu 43.º hodi determina ninia enkuadramentu legal ba retensaun husi pensaun Kombatentes no Mártires Libertasaun Nasional, e assegura montantes sira ne'e depositadu no titulada husi CCLN.

Nune tuir necessidade jestaun ba fundu maka Ministro Interino e Secretário de Estado Para os Assuntos dos Combatentes da Libertação Nacional ho kompeténsia orgánika decide dekreta Despaxu n.º 15/MACLN-SEACLN/I/2020 hodi estabelese equipa apoiu jestaun programa fundu investimento veteranus ne'ebé atualmente funda ho naran Gabinete Fundu Investimentu Veteranus ho ninia funsaun perpara kondisaun no requizitus legal sira ba investimento fundu.

VIZAUN


Prepara kondisaun nune'e veteranus bele partisipa iha prosessu no faze luta ba libertasaun povu hodi dignifika valor independensia.

MISSAUN

- Defende soberania ekonomia no partisipa iha investimentu setor lukrutivu;
- Apoiu governu hodi kria kampu servisu no hasae rendimentu;
- Koopera ho ajente internasional no rejional hodi desenvolve ekonomia rai-laran;
- Kria balansu entre empreza iha rai-laran.

OBJETIVU

- Garante sustentabilidade finanseira ba jersaun veteranos;
- Investe iha setor produsaun no industria iha rai laran;
- Apoiu sosial ba jersaun martires libertasaun nasional;



PROGRAMA PRIORIDADE NO PLANU NEGOSIU FUNDU

1. Establese Banku Veteranus no investimentu finanseiru;
2. Investimentu Titulo;
3. Investimentu iha Telekomunikasaun
4. Transportes;
5. Peskas;
6. Aktividade petrolifera;
7. Farmasia no Hospitais privadus;
8. Investimentu iha setor produsaun agrikola;
9. Kolejiu Edukasaun no Formasaun profesionais;
10. Partisipa iha projetus Konstrusaun Sivil no forneseimentu iha area oioin;
11. Industrias Transformadora no Extrativas;
12. Partisipa iha investimentu publiku nasional.

Hosi programa hirak iha leten Gabinete FIV tau liu prioridade prinsipal mak Hari'i Banku Veteranu, transportes (loke ofisina) no farmasia ho hospital privadu.


Informasaun sobre Fundu Investimentu Veteranu Timor–Leste ATIVIDADE FUNDU

Fundu de Investimentu Veteranu Timor – Leste

1. Depozitu ho Prazu iha banku komersial 3 (tolu) kompostu hosi:
 - Banco Nacional do Comercio de Timor Leste;
 - Bank Rakyat Indonesia;
 - Bank Mandiri.

2. Fasilidade Kreditu hosi Banku

Kréditu As'wain hosi BNCTL no Kreditu Briguna



HARI'I COMPANHIA VETERANUS

Conselho dos Combatentes da Libertacao Nacional nudar orgaun uniku ne'ebe representa veteranus sira hodi defende soberania ekonomia no partisipa iha investimentu, maibe tanba laos instituisaun lukrutivu ho nune'e tenke establese no kria hodi registu ona empreza veteranus nian ho naran Companhia Nacional dos Combatentes e Veteranos S.A . hanesan empreza komersial hodi halo negosiu iha area komersiu oioin hodi kontribui ba desenvolvimentu nasaun.

